



Nuuk, juunip 22-at, 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunit qaqugu Sinerissami Qanittumi Avataasiorlutillu Aalisariutaatillit Peqatigiiffiat (AP) aalisarnikkut suleqatigiiffinni peqataatilissavaat aammalu maannamut peqataatinneqarumanginneranut suna tunngavilersuutigisinnaavaat?
(Aleqa Hammond, Siumut)

Tunngavilersuut:

Juunip 12-ani 2009-mi AP qinnuteqarpoq Fiskerirådemut ilaasortanngornissamut. Naalakkersuisunit itigartitsissutigineqarpoq.

AP tassaavoq peqatigiiffik, taamaattoq kattuffiunngikkaluarluni kattuffittulli allatuulli maluagassaqaarluni, siulersuisoqaarluni, siunnerfimmik aaliangersaqaarluni minnerungitsumillu inatsisitigut erseqqissaassutigineqarsimalluni kattuffittulli allatuulli pisinnaatitaaffeqartumik inissisimalluni taamatullu aalisarneq pillugu suleqatigiiffinni peqataatinneqarsinnaaneranik ajornaquteqanngitsoq.

AP sinerissap qanittuani kinguppaat pisassat 33%-ii AP-mut tunniunneqartarput aammalu avataasiorluni kinguppaat pisassat 74 %-ii AP-mik tunuliaqutaqarput.

Aalisarnermut inatsisissap sanarfineqarnerani Siumumit isumaqarpugut pissusissamisoortuussasoq aalisarnermut susassaqtartut tamarnik peqataatinneqassasut, aamma AP.

Siumumi isumaqarpugut pissusissamisoortoq soorlu tamanna aamma Naalakkersuisooqatigiit namminneq oqariartuutigisaraat, tassalu sapinngisamik inuiaqatigiinni oqartussaaneq siammasimasuussasoq oqartussaaqataaneq tusarniaasarnerlu inuit naalakkersueqataaneranik aallaaveqassasoq, tamanna Naalakkersuisunit AP-mut atuutsinniannginneraat erseqqissaasuteqarfigitikkumavara.

Ullut qulit qaangiutsinnagit akineqarnissara kissaatigaara.

Ikinngutinnersumik inuulluaqqusillunga

Aleqa Hammond
Siumut